



20

QUÆSTIO MEDICA,
CARDINALITIIS DISPUTATIONIBUS
manè discutienda in Scholis Medicorum, die Jovis
5 Martii 1722.

M. PHILIPPO-BERNARDO DE BORDEGARAYE,
DOCTORE MEDICO, PRÆSIDE.

An præcavenda Nephritidi sola aqua?

I.

RENES corpora sunt rubicunda, in abdomine utrinque posita, quorum dexter paulò inferior quàm sinister deprehenditur: duplici cinguntur membranâ, aliâ à peritonæo, aliâ verò propriâ, quâ quidem ablatâ, rotunda & brevia apparent corpuscula, ex quibus inter se connexis exsurgunt vasa recto tramite à parte gibbosâ centrum versùs propagata, plurima tamen ad latera, quædam ad extimam usque membranam protensa, sed ea brevibus intrò reflectuntur inclinationibus & circumvolutionibus: fasciculos inter horumce vasorum minimæ latentes & quidem numero plures occurrunt glandulæ, arteriis imò & venis appensæ, quæ præcipuum in urinæ secretionem munus obeunt, per earum enim excretoria vasa liquor à pelvi per ureterem, cujus est expansio, in vesicam delabitur. Ubi autem vel urinæ vel renum substantiæ aut etiam pelvis & ureterum vitio vel aliâ ratione læduntur hæ partes lotii secretioni dicatæ, affectus oritur inter cæteros gravissimus.

II.

EST enim Nephritis dolor in Lumborum regione ad latera spinæ inalteratrâ, rariùs in utraque parte adeò nonnunquam acerbior, ut vehementior, acutior, atrocior nec esse nec concipi possit: quanquam autem oriatur interdum vel à grumo sanguinis crassiori ureteribus impacto glutinis instar adhærente, vel ab humore denso & acriori, vel à purem ordaci è renibus ulcerosis descendente, vel etiam ab ipsâ urinâ prædurum obstructione cespitante nimiaque copiâ canales ampliores effi-

A

ciente aut asperitate suâ intensâque fâlsedine erodente ; sæpiùs tamen & frequentius à lapillis, calculis aut arenis maioribus & asperis ureterem & pelvim potissimùm distendentibus & lacerantibus ducit originem, tuncque cruciatus ita molestus & pungens inferitur ut eum inflammatio nonnunquam & phlogosis excipiat. Calculi autem causâ tùm efficiens tùm materialis quam alii perperam esse dicunt crassam lentâque pituitam calore renum in gypsum & lapidem excoctam ; alii obscurum per obscurius exponentes succum à spiritu lapidifico induratum ; à Chymicis quibusdam sales esse dicuntur salibus nitri & urinæ spiritibus involutis analogos imò & congeneres , ex quorum luctâ calculi rudimentum eâ ferè ratione prodit , quâ coagulum ex intensâ nitri & urinæ salium effervescentiâ præcipitari constat. Qui quidem calculi generationis explicandæ modus acutè licèt & solerter excogitatus, minimè tamen nobis aridet , imò à vero prorsùs videtur alienus : iisquæ ultrò astipulamur qui tùm calculi tùm lapidis ortum ascribunt terrestribus rareisquæ particulis quibus sanguinea massa plerumque referta est , quæque vel à parentibus vel ab edulis, vel etiam ab aëre aliisque crassum sanguinem efficere aptis, quæ prava diathesis gravia temporis lapsu inducat Symptomata calculi generationem vel imminentem, vel jam inchoatam indicantia, non tantùm doloris vel gravantis vel acutioris sensum, sed cruris torporem, nauseam, vomitum, imò & calculi minoris excretionem cæterâque ad hujus affectûs diagnosim conferentia.

III.

HIS omnibus antevertendis & præcavendis aptum nihil est quàm quod liquidorum tenuitati & fluiditati conducens, villos etiam fibrâsque solidarum partium laxat, eas in debito ad functiones obeundas statu servando, vasaque vel tenuissima referat, glareas tandem aut mucosas tenacésque ac sibi invicem glutinis instar implexas partes solvere valet & per ductus canalésque ad id à naturâ destinatos adigere : sic sanguis tantùm abest ut possit concreescere quin potiùs & quâ par est ratione movebitur & minutissimè contereretur, ritèque & ad renum functiones obeundas aprissimè diluetur. Nec aliâ ratione variis harum partium obicibus & impedimentis fas est occurrere, quàm id præsidii prophylactici genus usurpando quod quamvis omnium simplicissimum, solum tamen nativam & requisitam vim elasticam tueri, succos liquare, acorésque simul fluidorum vel minutissima vasa decurrentium refringere aptum est, utraque in mutuis ad se invicem rationibus servando & continendo : runc enim nullus esse poterit vel à tubulorum constrictione vel ab irrigantium & præterfluentium liquorum pravâ diathesi Nephritidi locus : imò sapienter plerisque affectibus prospicies, si tam salutari omniumque facilissimo præsidio, renibus potissimùm dicato mutuum foveas liquores inter & vasa commercium, his nempè requisitum elaterium, illis motum expeditum conciliando.

IV.

UTRAMQUE certè paginam adimplent quæ sola cujuscunque generis acoribus hebetandis apta nata, fluida dividunt & solida laxant : quod cum de diluentibus tantum asseri merito possit, sic & aquæ maximè tribuere ipsæque primas inter illa concedere non dubitabit quicumque ad illius proprietates attendet : particulis enim quibus illa gaudet lubricis & volubilibus sive politæ sint & rotundæ variisque interstitiis discretæ ; sive ad ovorum figuram accedentes ; sive potius, quod verosimillimum est oblongæ, teretes, læves & flexibiles dicendæ sint, particulis inquam lubricis, tenuissimis & summè mobilibus quarumlibet partium secretionibus dicatarum maximèque renum vasa distendit & permeat, quorum villos flexiles efficit, sanguinique debitam servat fluiditatem : quæ quandiu steterint nihil à Nephritidis invasione metuendum ; secus verò si mutatio in solidorum aut fluidorum alterutro vel utroque, potulentorum præsertim errore, accidat. Apagè igitur diuretica fibrarum irritatione insensibilissimi morbi ortum accelerantia : apagè aquas minnerales quæ plus habent celebritatis quàm salubritatis, principiis enim quibus constant vel salinis vel sulphureis noxam arte nullâ reparabilem partibus inferunt, rigiditatem, tensionem, irritationem in fibris, fluidorumque lentorem spissitudinem terreis limosisque quibus constant sæcibus calculi proximâ causâ accersunt, quæ omnia solius aquæ beneficio removeantur, præcaveantur : quid enim aliud glutinosi tenacisque mucis congestionem obesse, imò jam congestum detergere, quid succorum per varios & minimos universi corporis canales circuitiorem & per renum tubulos maximè exiguos secretionem promovere valet præter aquam cujus frequens usus eò magis commendandus venit, quò illius abusus aut nihil aut certè parùm est timendus.

V.

A CUTO renes morbo tentati sunt è majoribus tuis aut consanguineis nonnulli, vel etiam retrò ante aliquot annos perverso rerum nonnaturalium usu, nectus est ne sanguis crassior fœcatus tandem evadat & tartareus, ut prognosticis vel gravioribus & non contemnendis, vel levibus tantùm & æquivocis subodorari fas est, justa tibi timendi ratio : aquæ potum in voluptatem vertas : quicumque populi tot secula liquorum inebriantium usum ignorarunt, aut nunquam aut rarò admodum atrocissimis diri hujus affectûs cruciatibus fuère divexati : salubri, eximio, unico utere prophylactico, quod usurpandum clamant hominum maxima pars, clamant bruta animantia, clamat & universa natura, quæ potum ubique obvium, quo viventium nullus carere potest, ad vitandum teterrimi affectûs insultum largè effusèque prospicienter usurpandum subministrat. Serius vel levissimæ insensibilissimi hostis minæ tibi sunt præveniendæ. Si vino indulgeas, periisti : si parcè utaris, parùm nocebit : mi-

7
nîls adhuc si tartari tantillulum in maximâ partium aquosarum natantis
copiâ in se contineat : verbo dicam , eò minûs nocens quò magis ad aquæ
naturam accedet , cujus crebrâ liberalique potatione apprimè tutissimè-
que duræ generationi , sævo nimis litteratorum stipendio obviâ ibis :
cujus eximii diluentis ope , virtutèque nulli alteri propriâ , nulli com-
municari idoneâ agentis , & inchoati morbi augmento officitur , & etiam
confirmato non leve subsidium afferri constat. Verùm hæc præsentis
non sunt instituti : satis sit è præmissis quarum utrique invicta sua pro-
batio fuit adnexa ritè concludi posse.

Ergo præcavenda Nephritidi sola aqua.

Lutetiæ proponebat THOMAS-RENATUS GASNIER ;
Patelinus , Baccalaureus Medicus , A. R. S. H. 1722.
à sextâ ad meridiem.